

SKIPULAGSSKRÁ

fyrir Tóbiashús, minningarsjóð um Tobias Jaschke.

1. gr.

Stofnaðild o.fl.

Tobiashús er minningarsjóður um Tobias Jaschke, sem fæddist þann 30. september 1978, á eyjunni Reichenau, Bodensvatni, Þýskalandi. Tobias fórst í flugslysi þann 10. ágúst 1998 við Höfn í Hornafirði.

Tobiashús, minningarsjóður um Tobias Jaschke, í skipulagsskrá þessari nefndur sjóðurinn, er stofnaður af Angelika Jaschke, móður Tóbíasar, fd. 10. október 1952, sem búsett er að Mullenstrasse 24, D-58454 Witten, Þýskalandi, Irmgard Sodenkamp, fd. 8. febrúar 1947, sem búsett er að Mullenstrasse 24, D-5854 Witten, Þýskalandi, Atie Bakker, kt. 130664-7099, Skaftholti, 801 Selfossi, Guðjóni T. Árnasyni, kt. 191158-7419, Seljalandi 5, 108 Reykjavík og Guðlaugu Þóru Tómasdóttur, kt. 050664-2369, Lækjarbotnalandi 53d, 203 Kópavogi. Sjóðurinn starfar samkvæmt staðfestri skipulagsskrá. Sjóðurinn er sjálfseignarstofnun, en mun ekki hafa með höndum atvinnurekstur. Sjóðurinn er stofnaður til minningar um Tobias Jaschke.

2. gr.

Markmið.

Markmið með stofnun sjóðsins er að hlúa að hagsmunamálum sem byggja á mannspeki (anthroposophi) með því að styrkja waldorfpuppeldisfræði, lífræna og lífeflda ræktun, lækninga- og meðferðarstörf, rannsóknir á andlegum málefnum og stuðla að uppbyggingu Mannspekifélags Íslands.

Þá er það einnig markmið sjóðsins að viðhalda og varðveita Tobiashús, sem er til minningar um Tobias Jaschke, en húsinu er ætlað að vera vettvangur fyrir fundi, ráðstefnur og námskeið í fræðum er tengjast mannspeki og mannrækt. Tobiashús er staðsett í Lækjarbotnalandi, Kópavogi.

Markmiðum með stofnun sjóðsins skal náð með beinum fjárframlögum og styrkjum eins og nánar greinir í skipulagsskrá þessari.

3. gr.

Stjórn sjóðsins.

Stjórn sjóðsins skal skipuð eftirtöldum þremur aðilum: Angeliku Jaschke, Atie Bakker og Guðlaugu Þóru Tómasdóttur.

Stjórnarmenn tilnefna hver um sig sinn varamann. Einn stjórnarmaður skal vera tengdur Tobiasi Jaschke fjölskyldu- eða vinaböndum og skal hann við stofnun sjóðsins vera formaður sjóðsins en stjórnin skiptir að öðru leyti með sér verkum. Stjórnin skal skipuð formanni, gjaldkera og ritara. Stjórninni er heimilt að skipta um formann sjóðsstjórnar hvenær sem er.

Láti stjórnarmaður af störfum skal varamaður hans taka sæti í stjórn. Skal hann þá tilnefna nýjan varamann í sinn stað.

Formaður kemur fram fyrir hönd sjóðsins og er forsvararmaður hans á opinberum vettvangi. Gjaldkeri ber ábyrgð á færslu reikninga og skýrslugerð til Ríkisendurskoðunar skv. 1. mgr. 3. gr. laga nr. 19/1988. Ritari annast færslu fundargerða og varðveislu þeirra gagna og skjala er sjóðnum berast.

Stjórnin tekur ákvarðanir á fundum sínum og skal haldin gerðabók um alla fundi þar sem bókað er skilmerkilega um þær ákvarðanir sem teknar eru.

Stjórnin skal velja endurskoðendur sjóðsins. Reikningsár sjóðsins skal miðast við almanaksár.

4. gr.

Fagråd.

Stjórn sjóðsins velur 5 manna fagråd sem skal vera stjórninni til ráðuneytis um úthlutanir úr sjóðnum. Fagråd skal skipað einstaklingum sem hafa sérþekkingu og/eða reynslu á mállefnum er tengjast þeim mannspeki- og mannræktarmállefnum sem sjóðnum er ætlað að styrkja.

Stjórn sjóðsins setur fagráði starfsreglur.

5. gr.

Stofnfé.

Stofnfé sjóðsins er kr. 725.000 og er það óskerðanlegt stofnfé að raungildi. Eigi má fara með eigin sjóðsins eða ráðstafa þeim á annan hátt en þann er samrýmist markmiðum hans og stuðlar að framgangi þeirra.

6. gr.

Frekari fjárframlög.

Sjóðurinn skal taka á móti öllum frekari fjárframlögum, hvort sem er frá stofnaðilum eða öðrum er veita vilja markmiðum hans brautargengi.

7. gr.

Ráðstöfun fjár.

Framlög úr sjóðnum skulu veitt samkvæmt umsóknum. Auk þess er stjórn sjóðsins heimilt að ráðstafa af eigin frumkvæði til málefna er vakið hafa athygli hennar og teljast vera í þágu þess tilgangs sem kveðið er á um í 2. gr. þessarar stofnskrár.

Stjórninni er heimilt hverju sinni að veita framlög til viðhalds og varðveislu Tobiashúss til þess að húsið megi vera sá vettvangur sem kveðið er á um í 2. gr.

Stjórn sjóðsins skal afla umsagnar fagráðs skv. 4. gr. áður en til afgreiðslu framlaga skv. 1. gr. kemur.

Stjórn sjóðsins er heimilt að skilyrða veitingu fjár úr sjóðnum fyrirfram og ákveða hámarks- og lágmarksfjárhæð einstakra styrkja.

8. gr.

Ávöxtun fjár.

Fjármuni sjóðsins skal ávaxta með tryggum hætti. Stjórninni er heimilt að fela löggiltu verðbréfafyrirtæki eða bankastofnunum að ávaxta fjármuni sjóðsins.

9. gr.

Breytingar og niðurlagning.

Skipulagsskrá þessari verður aðeins breytt með samþykki stjórnar, meirihluta stofnenda og með staðfestingu dómsmálaráðuneytisins.

Séu stofnaðilar sammála um að leggja sjóðinn niður skulu þeir leita staðfestingar dómsmálaráðherra á því.

10. gr.

Skráning sjóðsins.

Leita skal staðfestingar dómsmálaráðherra á skipulagsskrá þessari.

Skipulagsskrá þessi þannig samþykkt af stofnaðilum á sameiginlegum fundi þeirra í Reykjavík hinn 25. apríl 2005.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 18. maí 2005.

F. h. r.

Hjalti Zóphóniasson.

Bryndís Helgadóttir.